

docriver 文川网
古籍书城
入驻商家
在文川网搜索古籍书城 获取更多电子书


中國方志叢書·華中地方·第二五三號

據清·許應鑠修，謝煌纂
光緒二十一年刊本

影印

江 西 省

撫州府志



524/07

成文出版社有限公司印行




中國方志叢書·華中地方·第二五三號

據 清·許應鏞修，謝煌纂
光緒二十一年刊本

影印

江西省

撫州府志



SK14/07

成文出版社有限公司印行



10097029


中國方志叢書·華中地方·第二五三號

據清·許應鑠修，謝焯纂
光緒二十一年刊本

影印

江 西 省

撫州府志



544/07

成文出版社有限公司印行



docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第二五三號

據

清·許應鏞修，謝煌纂
光緒二十一年刊本

影印

江西省

撫州府志



成文出版社有限公司印行

L14/07



中國方志叢書·華中地方·第二五三號


據

清·許應鏐修，謝煌纂
光緒二十一年刊本

影印

江 西 省

撫州府志



SK14/07

成文出版社有限公司印行



10097027

光緒丙子重修

興寧縣志

府署藏板

撫州府志

重修撫州郡志序

自來省志縣志外更有府志凡一郡之天文地理人才物產以及吏治神功仙蹟俱脩載焉書類晉乘楚檮杌而其體例則有褒無貶與正史稍殊蓋善善從

撫州府志

序

一

長亦春秋之厚意也撫郡為江右名區星應斗宿地屬揚州春秋戰國時分歸吳楚由秦漢至宋元或隸九江郡或稱豫章郡或名臨川郡後遂為撫州前明始置撫州府領縣六宜黃立於

梁東鄉析於明臨川崇仁定於隋金谿樂安置於宋其大略也至撫郡志書則始於宋景定志明代宏治嘉靖崇禎時均有志我

朝康熙乙巳戊辰雍正己酉咸豐

撫州府志

序

二

辛亥壬子屢經官紳輯修迄今又逾二十餘年應行續纂各事已更僕難終矣前郡伯 星臺許公 益之陳公會同地方紳耆開局興修尚未告竣歲辛未余奉

命來江是年秋承乏茲郡下車以來

深喜士守範圍民知勤儉風清

俗美崇實黜華加以山水之鍾

靈師儒之垂訓雖近遭兵燹民

困而三百年來仰荷

聖朝厚澤深仁教養優渥不特忠孝

撫州府志

序

三

貞廉之事輝映後先即凡學校

遺規農桑舊制其意美法良而

可信今傳後者書不勝書葵酉

春分纂諸君陸續纂成稿本因

總纂謝雨香觀察奉諱讀禮

刪纂未觀厥成予迫於限期謹

就局中擬定成稿披閱再三喜

其均克權衡切當意義精詳自

愧疏庸實已無能參贊至前定

名臣等傳物望攸關悉遵舊志

尤不敢稍有更動謹取而排定

之又刊刻經費各屬措解甚難

撫州府志

序

四

今於丙子秋間始克裝潢成帙

惟是簿書鮮暇強勉告成遺漏

粗疏在所不免後之君子倘能

修改有加匡予不逮則所厚望

亦所厚望也已

光緒二年歲次丙子八月三品

銜候選道知撫州府事秀水朱
澄瀾書於府署之母自欺齋

皇清康熙乙巳年重修撫州府志序

李士正

郡有志猶國有史紀一代治亂之故志載一郡得失之跡其義同於以徵今勸後其重亦匹也若夫誌疆域之原委週經制之沿革詳戶口土田之數表人物藝文之概以資攷鏡以出政治皆於是乎在夫史不可一日廢而纂修記注之職重於世久矣奚獨於志畧之政之先務甯有大是耶昭武古臨川郡山川風物人文之盛甲江右邇來兵火洊被城郭墟莽經籍灰燼其大如郡志湮廢不修者垂四十年尋以為闕典太守劉君慨然任之爰與郡之士紳開局編摩完殘輯逸殫竭心力至是制剛告成予喟

撫州府志

卷首 原序

命分司行部至止得肆覽焉其徵引則博而不誣搜裁則詳而能覈以至別事類則纖巨眉列昭法鑒則勸懲鏡鑑蓋卓然具才學識之三長而垂百世不刊之典者甚矣太守是舉之識先務也夫川壅務達則瞭瞭堪規土俗攸宜則市價可納豈一郡典章之所在而顧陳言忽之故撫其疆域而察盛衰之變原其經制而晰利病之殊瘡痍未復也縣戶口而記其登耗哀鴻何集而頽魴何蘇荆榛未除也稽土田而恤其凋疲攻虎何驅而民靈何屏至於藝文皆是矣何峴臺之記偏光照於右軍之墨池人物不乏矣何魯公之祠獨嗣徽於召伯之棠蔭此皆撫蒞茲土之所當覺

然思奮然起者成憲是徵不可謂無裨於治也况周禮外史掌四方之志則志即兼史不止訓誥之司用詔觀事而已金玉局宏啟豫彤管者方兢兢掌故之遺逸是輯藉令有乘轡軒而訪郡國數十年來之事者執斯以應奚必無助也夫觀感救禍挽頹敝以登末俗於治古此賢士紳事也循省今昔之故胥其利弊以劑其輿幸此良有司之職也余不敏有附循茲土之責願與郡邑長吏交相勉焉庶斯志之成不啻等於記載之末也已

又序

劉玉瓚

守者守其郡之所有也故凡一郡之所有皆守事而

撫州府志

卷首 原序

十一

莫大於志志者所以志其為治之迹與其意也其所為迹者或沿之或革之其所為意者或勸之或懲之或先事以慮之或後事以師之故曰志者莫大之事也撫之有志有自來矣自宋始之自明修之前此皆有徵實及定鼎而後歷二十年兵燹之餘經籍雖日殘缺故老雖日浸亡志乘未可盡廢故修不可不亟自余蒞政是邦凡二年進所相與縉紳先生與博學好古之士謀之取舊志之沿革者進退之取吾所為懲勸者先事以慮後事以師者咸贊以已意論列之蓋非一手一足之力也閱明年五月而志始成其目三十有六其文數十萬言其執筆受簡之人見之篇

首姓字其所以發凡起例之意見之諸小序劄副而畢余行有日矣因進縉紳先生與博學好古之士皆之曰嗟夫讀是志也可不懼哉自有志以來幾六百年其間風教之盛衰民俗之靡澆可畧得而視焉其定去嘉祐不遠而管子固之記撫曰貴賈不至則系自足牛馬牧山而不收五穀積野而不垣當是之昔何其消靡之至與雖三代之遺何以加焉至宏正時稍衰矣北地李空同謂其剽悍善訟俗與昔殊然其後道德文章之士蟬聯鶴起何其盛也崇禎辛未郡人易白樓又憂之曰紈綺之麗逾昔五倍炮貽之奇逾昔五倍茶寮酒肆之列臬廬五白之聚祖跡憑陵

撫州府志

卷首 原序

三

流連昏曉俗甚弊然自余下車已不及見也其城之草萊而瓦礫者尙未闢土之至庭者種褐不完民之在野者半菽未飽催科所及朴責所加非於正供外有毫末加而為驚駭難肌膚之痛溝瀆之慘無以易此其尙何暇考仗淫侈之是問哉故拊爾郡志不得不為爾懼夫山川猶故也邑里半虛矣賦役如故也物產稍凋矣補傳如故也徵兵日多矣庠序猶故也選舉較衰矣口之數已戕流亡未盡復民莽之衆已散買贖未盡良耕桑之計未盡完孝弟安可問父老之教未盡地子弟安得謹所幸無水火盜賊之事加厲吾民爾設不幸一旦田野有騎陽霖霖

之災門庭有窺伺闖入之寇家無蓋藏人鮮禮義其或撫哉亦將何恃以為撫也余行且執綬舊園舊都望之悵然鯁鯁焉猶為先事之慮若此况後之君子來守是志者乎將必有以處此矣

又序

李來泰 臨川人

古者郡國有圖方物有記皆志之屬也其古者上承朝命而次或出於一家之言故公私殊而志亦異今郡邑皆有志其義例蓋仿於國史然余觀志重於史者何也史以事舉人志以人舉事其以時代為斷其間沿革損益先後相承之於虛得之於實然則備一方之文獻以存前代之典章非志莫由矣顧

撫州府志

卷首 原序

四

郡邑大夫秉成於上而勸於下揆諸邑人士珥筆於下而莫為出入曾裨官之不若况於史乎吾郡自宋景定明宏治間始有志俟有聞矣所猶及見者惟嘉靖崇禎兩書前則樸而不詳後則屢而寡要嗣者病之兵燹以來散為煨燼今大府黃中劉公蒞政三年百廢具舉一日念文獻之闕遺而授簡不佞且曰問吾子先世於宏治間蓋皆與問志事今子通門掌故宜無辭且其例將何居余遜謝不獲則退而與縉紳先生諸孝廉文學商之今享治平二十餘年矣稽前代之是非言之無遺述今日之典制信而有徵志之修也誠莫宜於今日前志得失具在余姑誌其大畧可

平膏之臨川未為王國則右軍不得稱內史南唐以撫爲領則查文徽權不得稱太守此官制之當辨者也梁陳所分之新建卽今之崇仁傅伯子所紀之臨川合今之建武此疆界之當辨者也南豐曾氏自安定而後始由撫籍登第其祖父尚當屬建安仁自勇始入東鄉漢番君之類當屬饒危氏避姓爲元望於浙右半山徙居金溪其族子散處吳會此世冢之當辨者也自福役之變史而臨崇受降邑飛詭之害此版籍之遞變而宜邑受公田重科之害此田賦之制舊志所詳而今所不容畧者也撫於江右爲腹裏前此有衛而無營後以東樂之亂而有撫營招撫之設

撫州府志

卷首

五

今則屹然分鎮矣撫衛有軍而無屯後以南轅之飛船建屯之牽貼而無田僉造紛紛未已此兵衛之制舊志所畧而今宜更詳者也昔大府與諸君子皆然余言於是孝廉饒子介傲明經喻子立生編摩搜輯閱十月而書成大府鈴閣滿暇一言必衷其當一事宜必覈其全凡三易稿而授之梓人蔚然稱完書已抑是志非特紀成事已也吾郡土瘠民貧語有之貧則思勞又曰民貧則亂今者巨創之餘百年不復規斯籍者惕然於前人懲茲消弭之實而流連於父兄子弟焦勞勸勉之詞嘗有蓋然以思懼然如不終日者是志之成其吾郡剝復之大機乎抑亦重有感於興

廢之故也南湖壅而占爲恒火清風門塞而人文財賦當日蓋今不幸而其言驗矣近如謙樓之更徙江湖之屢決前志中總憲易公益深論之更閱數十年而滄桑陵谷將無能復名其處者今劉公之爲政也城郭橋梁學宮壇祀公願營伍無不以全力董成煥然改觀於二者亦嘗咨嗟及之或袖於舉登或捷於草議毋亦誠簡之數有非可飾倚於人力者乎志將授梓余竊有都門之役追維劉公下問之意以及饒喻二子商榷之勤皆不可不紀輒於途次而漫述其概如此

撫州府志

卷首

六

皇清康熙戊辰年重修撫州府志序

張四教

古者王朝備列史官諳習典故欲識一代憲章數百年風土文物建置沿革皆取證於載籍故周官有太史小史內外史掌六典法則以佐治邦國復有職方氏考天下輿圖訓方氏遍四方政事形方氏辨九有邦城而正其封疆於以知後之郡乘乃國史之分大而邑志之濫源也今

天子萬幾政暇銳志墳讀稽古誼經夜分弗輟壬戌夏季宗伯遵

旨勅直隸各省纂修通志 兩江督憲卽傳會江省 開府方伯肆力編摩至癸亥一之月江西通志蒞成

撫州府志 卷首 原序 七

御覽所以大一統昭成憲也越甲子歲余叨

簡命來守是邦喜昭武古稱望國人文英傑甲於江右及下車視事博採舊觀懷謝希顏之範早付劫灰墨池未井之遺鞠爲茂草其大者莫如學官凡所爲明倫尊經敬一諸構悉屬荆榛瓦石蕩然無遺卽郡乘舊板亦爲寇氣散佚傷心久之語同官曰興廢舉墜守土事也舊觀不復誰執其咎用是先其大者後其節目首倡修學使文昌煥發兼瀆墨池使高賢志望數載而告成功爰得專力志務竊不自揆因隨情備同人捐俸纂修諷日開局徵集文獻檄行六邑責加

蒐羅考郡志之所自始宋景定洎明宏治歷有年所

存亡不一惟嘉靖崇禎兩志雖獲縱目而時異勢殊輒興感慨卽如五峯一大脈絡也昔在城而今或在郊則桐林逍遙諸嶺自遠矣城門一大關鍵也昔日九而今日四則豐安迎恩諸門莫稽矣千金陂一大津梁也昔疏濬而今淤塞則叔倫勸海運無存矣自駐節招撫以後而六邑分鎮竟番調運糜費日繁自南藩飛船而變操爲屯軍貼命遠販異無已自惠定額編爲例而宜樂兩邑有課無濟徵輸異制以至攷仕績執是齊元獻而紹荆公墓名儒誰能步二吳而做三陸豈可壽世矣何以繼文蔚清而崛起

撫州府志 卷首 原序 本

者僅此陳文章羅俗稱務本矣何以烏盧受懲者復逞慄悍刀筆此合郡古今異宜風土文物之大畧也今爲由近及遠因流溯源凡與撫屬相維繫者大而象緯分野里閭賦次及學校率祀文武科名下至昆蟲草木物產土俗之宜及其繁蕪補其闕畧旁接遠引考核詳明如祀典中名宦鄉賢不無砥礪亂玉之傷而隱隱有微詞揚善多溢美古誼也人物中如列女驚行亦有魚目混珠之憂而發潛德之幽光不微許以爲知怨道也他如方伎畢登忠額備載藝文或地以人重或以文傳爲條二十有八爲卷三十有五發凡起例舉目張郡志版形矣抑念於足

觀厥成而不禁穆然遐思也讀繡幕管絃畫堂細雨
之句何其盛也至寶應鐘移玉茗枯多興衰幾變
之歎所望後之君子當是土者相與增損而順之
知破梁闕一方形勝而興引流決壅之利念東臨民
力已竭而施輕徭薄賦之仁使赤子以耕桑自足
矜以孝友淑躬王謝之崧首如觀顏危之芳軌尚存
豈不休哉余奉

命遷擢行將執綬乘傳受所幸副臬豫章風昔未遠都人
士誠如是橫經講學也堰合壘分當必有與進

雲俱應者則望南浦西山之勝概無異枕紅雲而
英巨也追滄臺孺子之高風無異介南豐而交

撫州府志 卷首 源序

九

也閱是編者可當太師探風問俗之獻可作後人

古證今之助矣是舉也肇於戊辰蒲月成於格月望

日其同修員屬紳士例得並記纂修姓氏中茲不具

論爲綜顛末而弁其端

又序

會大昇

今上御極之二十四載余承乏佐昭武是時值兵燹後開

里凋殘民人轉徙太守張振公先生實先余一年典

郡聞其甫下車卽多方綏輯加意招徠屈余抵任而

郡邑疲黎已駸駸有起色嗣是課農桑均徭賦興學

校葺城垣有廢必舉有弊必紬數年之間流亡復業

井里日蕃諸務盡飭綱舉目張戊辰夏語余曰郡故

有志助於未修於明我

朝鼎定至前守鄧公黃中始一修之迄今又二十餘載

矣中更播亂老於鴻謝膠籍後已今不再修且廢則

缺輯新補故此其時乎余曰唯唯於是閉局罷學延

諸縉紳先生孝廉明經文學諸君相與編纂校雠庶

採旁摭期以徵信前後又命余董其事余不敏叨隨

寡聞承先生命不敢違遂與朝夕商榷越三月告成

余爰以卒業作而嘆曰郡之有志匪唯以博覽覽資

記述已也蓋將使民生之利病政務之得失上照下

逮隨時補揆撫事它不具論卽如軍漕一役今日有

並宜變通者古時有軍則有屯有屯則有逆從無有

撫州府志 卷首 源序

十

無田之軍而令其造船領運撫軍一所軍有成屯之

分其屯丁就鑿於江南建德者故有造運額船而城

丁則散處六邑無半畝之田原以任守防禦初未責

其領造自宸濠之變有南頓飛船因而波及城軍

本朝順治三年撫軍盡赦歸農迨六年僉造復以舊人

領運自此逃亡相繼呼控不絕弱者鬻子賣妻黠者

叛民爲伍累起於軍害歸於民其弊有不可勝言者

前歲余從先生參末議曾以協濟酒帶二策爲權時

救急之圖先生許可力請以例格而中沮其後復有

置田贖軍之議夫琴瑟不調則將改而更張屯田之

在建德半爲豪民侵占而軍籍隸於撫所隔省連呼

檄同故紙此軍屯兩地之害所當熟察者或謂既言無屯何以爲虞運之計而數年以來或沙或水其比舊額十七六七軍有亡而船無減將來誰爲領運是不特無屯後且無軍此無田造運之害所當急籌者茲先生方晉副江泉移節會城必數數爲上請而余賦忝是官扶偏懼困不能無厚望焉故不禁其言之長耳他若邑里之廣袤山川之流峙稽古今建置之宜辨民間物產之數賦役有常供官師有常款祀典有去留戶口有增減宜夫覽者自如之若夫額長牧而興效法之思觀人文而追曩昔之盛宜利社弊返樸還淳上下之間咸相與有成者豈非先生之志也

撫州府志

卷首

原序

十一

夫是余之志也夫

重修撫州府志序

聖後百

記載之書莫古於志周官外史氏掌四方之志此即古九邱述國漢書內編十志志爲史之一體歷朝史皆有志分裂者闕爲其不成乎志也淵號江西大都顧爲百本經疏遂成焉不錄風詩當時充賦題陳烏知其後志五義之謝康樂輩以名宦卒於晉史氏氏五代陸氏一門以理學事功文章接踵於宋陸氏加元專書皆無守內諸名邦顧頤角勝有若此歲氏由宋入之守撫詳閱志乘爰進鄉人士而言曰班固作志之緣起也孫章郡統治南城而撫州不別撫州之志下志漸繁撫州志莫備於宏治後世遂

撫州府志

卷首

十一

送簡孟表

朝康熙及民前守張公修之益加刊削距今四十有二

年志卽弗修匪云闕典然有關於治體者貢大撫州

本朝宜開如登斯民於衽席寅卯間耿逆作難東南擾

撫撫民困燬額

士師極行庶寃士民獲散然備謚者又數十載於茲父

老子第序而聞鼓之聲日不暗烽燧之色金湯完

固節守正而服先時而食舊德節義勳名遂著日起

正未可守官斯土者類多樹建偉績是皆沐浴於

皇仁甚深承所致畧而弗紀非獨守土之慙抑亦編人

士所歎也今歲適奉

旨命各直省纂修通志余復諭於東曰郡志者通志之權

輿撫郡所隸六邑建置疆域山川賦役猶夫昔也而

官署嗣宇有更設職官選舉節行藝文有增益凡以

上符

國史向所僉謀者今亟宜舉行之爰請鄉先生中翰李

君茹見吳君立王纂修六邑中各推數人分校自孟

秋迄孟冬四閱月告成夫博攬靡遺是非不夾稊毫

鄉人士之責也矜慎敦延相期大公至正以信今而

傳後則守土者之所昕夕不遑拳拳致意者也謹日

太史陳風均於是乎採擇而我

揚州府志

卷首

三

朝億萬斯年丕基鴻業讓傳

實愿要得此編備一方援据且使良臣孝子誼夫貞婦

燦燦星垂其足感人心維風教又匪特與被合舊聞

者等也頃付剞劂因書數行以弁簡端

劉清獻禮元年補刊揚州府志序

丁巳論

郡邑之有志者其義取用體製之所聲明古今名全

之為凡才之身無論數千百殆已遠索勞稀取而

參之無遺議矣倘俟於贅言哉志之久則必修修之

體例誠沿舊而遷之或更新而創之各有其宜凡修

志之序無遠數千百悉能自言之更無所用其移易

則難也若或於昔人已成之志未及重修始印行而

流布之則又期待於為序也若今日撫州府之為志

則於此三者之情事有不可同日而語者烏可以無

序又焉可僅以三者相屬臚綴以為序致涉韓子陣

言之謬哉夫既不可不序又不欲以三者相屬則請

揚州府志

卷首

十四

質言之存也補刊重印之曲折為今日所應言而

已詳在官戶部文等京都為四方書籍歸部性嗜

藏舊帙又忝缺官之司正值道光重修一統志告成

私心欲盡收古今郡會郡邑舊志為官書副本注脚

立廢通者非且夕可副然陸續爬羅省志竟已全備

府志幾及十分之五六其未備者或於藏書家見之

或目錄家載之即灼知其有志若並目亦未之見者

蓋寥寥數府耳而撫州即其一焉姑以荀伯子臨川

記書之序已西奉

今守此土下卑計所當諗謀者次第舉行而文獻足徵則

府志為尤要訪之官私咸言無之府屬全籍有許謬

docsriver 文川网
入驻商家 古籍书城

在文川网搜索古籍书城 获取更多电子书

鎮南北書賈之所趨土人以藏板爲生業高祖元代之麻沙往來之亦無知者後得乾隆嘉慶兩朝臨川令秦沆筆記及道光間紀慎齋州牧重修臨川縣志皆屢引府志爲徵佐續得康熙戊辰府志互相印證知撫州之志其可考者宋景定以來明之崇禎國朝康熙乙巳戊辰皆曾踵修迄於雍正亡酉之志則後無嗣修者於是窮搜博訪書肆之斷簡零編無不拔也故家之抱殘守缺無不嘗也自初任至今三年之久凡購借所得者合數本以相足甫可窺雍正志之全又以搜求之急也郡之老吏言某所寄泥沙中有塵封朽蠹者在焉試出之則儼然雍正志原版

撫州府志 卷首 原序

幸喜之極冒暑檢次惟已半成蠹屑或連帷而佚之矣因卽以購借校定是本爲據凡版之所無者指俸以補刊之佐以活字檢印煥然還其舊觀計志之成僅百餘年以本郡之至近求一完本竟不可得今幸勉爲此舉俾前人已成之書一郡土方之籍得以重爲流布藉資考鏡固吾人責所當爲而其成之艱且力如此則非同官與薦紳先生之助不及此也百餘年來官制沿革山川陵谷地方風土之移易與事蹟之可紀者名宦人物之可傳者允宜繼加修補越隣省粵西軍務大僚皆有所事設局籌費延選墨筆之煩不可以上請重修鉅費亦非才所可任因私竊

有志建師州王氏別集史料之例參取秦令高祖志於其體選

撫州府志卷首各附考正款式於原志四十五卷者就其門目裁輯雍正以來公牘私集遺聞佚事附刊各卷之後名曰續雍正撫州府志考補庶乎不以寡聞而缺前人所未及而秉時綴輯隨原本以俾播將來鉅公鴻儒有續修府志者得所憑藉以修考訂未嘗非其志之裨也志中疑誤參差及康熙二志崇禎上疏於內體例粗定未能成編卽以奉母請去

撫州府志 卷首 原序

舊志重爲印行而得就緒而考補之未卒業也原志事之緣起故於尋求購借校補刊印諸煩瑣不憚三致意焉以諸君子相屬記事之初意在此也然則若所云三君之情事誠於今日不相涉矣安得相屠臠綴傳誣之本末反因之以不著乎假書之役金銘進士前湖北知竹山縣徐棠孫 奏鈞 爲尤多刊印校勘之符 中表布衣陳若軒 府學訓導 而銘六 爲 爲 而臨川教諭吳蘭谷 番烈 及訓導歐陽魯 刊 告 成 之 志 成 於 雍 正 己 酉 論 之 守 獲 也 錄 亦 注 其 言 得 成 補 刊 重 印 之 志 事 之 復 其 始 則 其 時 亦 亦 一 奇 也 均 不 可 以 不 書

皇清咸豐二年重補撫州府志序

元 著

辛亥之秋予捧檄權守撫州下車吏循故事進則循
獨府志未有成書既周諮郡邑諸學博得前守丁君
芑詒所搜獲雍正舊板佚其半存者多泯沒不可讀
其有為丁君所補者亦活字檢印未可以貽久遠予
惟斯志山川之所考風物之所詳故事人文之所煥
仁孝忠愛節義之昭垂凡以備輶軒之採擇而資學
士大夫之鑒觀者不外乎是向非闕歲增修烏足以
彰美備異子廁成均考充

丙廷

國史館贈錄見夫

撫州府志

卷首

序

十七

宸居一言一動所以修德行仁罔不日紀歲登昭示來許
今之志乘是亦史耳顧何以傳信之書自雍正己酉
纂修以來百二十有三年於茲僅留此一編於徵文
考獻之日猶聽其殘缺不完若斯也不重可慨嘆而
深惜耶一日金谿進士前湖北竹山令徐君奏鈞來
謁與之謀更蒐舊本得若干帙於是檢板之朽蠹闕
逸者捐俸重為補刊未周三月而工竣是役也府學
訓導胡君紀常實董其事署教授文君鸞臨川教諭
吳君垂烈訓導歐陽君貫同校勘焉書成頓還舊觀
將進寮案及鄉人士益謀增新而予已瓜期及矣愧
弗克舉其事然圖史之修官司之職也後之君子當

必有因是而纂續者固予之所甚幸抑亦此邦之人
之所共幸也夫

撫州府志

卷首

序

十八

宋景定志序

家坤翁

臨汝望於江介羣公先正萃焉文獻可謂足矣郡乘顧無成書先後草創乃不足證來者慊焉繫音東都盛際樂待節晏元獻起是邦皆以博洽名樂公記寰宇晏公作類要亦既舉天下郡國之綱矣盡不用情州間網羅舊聞詳著別編以發揮宗國之盛美歟豈二公心在海內天地四方之志不周於小歟抑邱聚之志簡里之版丞史之圖書乃官府事非邦人職歟坤翁以景定壬戌被命來守歲餘少事屬同志收攬載籍考訂耆舊退而相與議之合爲二十五卷書成條目粗備然遺忘尙多春容將有待也會予節趨閩以其書託諸推揀周君彥約覆正闕誤且真金得錄

撫州府志

卷首

原序

十九

明宏治志前序

督師 宣 人 錄

古之爲國者各有史官掌記時事今之郡古大國也預所謂掌記之職者是以文獻罕徵焉雖然有志志非史也或能修之以時無廢前傳無絕後載則文獻之徵於天下後世者是亦史耳亦何必如古之云哉撫爲江西大郡其地西南負山至郡治而平衍曠然數百里下控江湖潏池郡爲庶爲富爲多才俊其事之宜志者繁矣宋景定中家坤翁氏嘗一修之君子謂之有體迄於今若干年尙無繼焉斯可爲文獻之一慨也宏治庚申胡知府考同知瑞始圖再修乃得里居之賢前行人姚君復等以金石用濟以毛其局而布衣黎詰實與編纂之任今昌知府傑繼而成之謀於通判張蔣推官周導屬臨川知縣陳文試

撫州府志

卷首

原序

二十

刻梓以傳凡若干卷其例一承家氏之舊而少加損益蓋無愧乎志云者雖謂一郡之史可也夫國史列是非備得失而不致絕用春秋之法史固異於經也志之於史名異而實同故亦得用史法有不錄錄必實有不書書必直二者或缺史且不能信於天下後世而況志乎然直存乎人實存乎事寧有稽古傳聞之異是以紀錄失真君子患之而萃碑家乘之類往往出於其時尤難盡信故直可必也實亦未必也吾於其所未可必者而心誠求之欲必得焉以成吾直則是是非非得得失失公論在人亦莫之掩矣由是故有所資俗有所考以爲因革之地他日采於國史傳之天下後世天下後世之徵文獻者亦將不亦於是

孰謂志之非史哉書成之月余適視學至撫知府俱請序遂論以歸之俟知言者評焉

又序

目錄

君子有不出堂宇周知天下山川險易奇勝風俗景物同異嫩惡生乎千百世之下究知千百世之上之仁賢行義得失者紀載有在也志郡國紀載也紀載存忠代制度文為亦足以考見况可因而不可尋者哉撫有志自宋始宋以前無志乎無仁賢乎無紀載也志之修否之繫之重不輕也如此君子其謂何宏治庚申貳守趙君子辭懼志廢修或闕前聞以行政太守胡君金參梓結有契謝曰於列郡張君景福推刑周君公慶用布告屬縣搜訪遺蹟禮延

撫州府志

卷首

源序

三十一

郡士黎薛修之前行人姚君復亨嘉興守徐君用濟是正之而陳尹文試葉尹天爵丁尹楷又能爭先節義以攸丁出梨以代梓甫就饗而胡君去矣余適承乏郡事趙君揭梗概相告余喜而受焉以序請於提學邵先生既得之因贊其後曰甚矣哉郡國不可無志也撫古臨汝也漢程時入職方矣孫吳時以郡陞矣時地非無仁賢也山川風物非不足也長民者知政為當務之急而不知志又焉為政先務也坐使千餘年文物無徵不既深可慨與山川風土守令所當省也名宦鄉賢守令所當法也當省當法者前紀載也紀載廢而不淨明而不晦直而轉公而理古今而古古無遺由今而後後有徵焉守令足省法哉郡之來者

之孝於而家忠於而君而仁於而人民亦當求無愧乎鄉先正也嗚呼胡君趙君之心何如其心也余幸與共成敢殿名篇未知府邑傑著

撫州府志

卷首

源序

三十一

瓊山黃公顯守撫之三年庶政孔修獨慨郡乘之不修者踰五十年文獻且墜乃得請於兩臺監司屬九川與徐子良傅修之而弁貢士許子大經學官王子銑白子泗楊子誠暨弟子六七人共事焉以嘉靖癸丑九月始事歲甚貴公奔喪南歸戴郡林公珉克終其事明年二月告成其書為編者三曰天文曰地理曰人遺為目二十為卷一十有六九川倍序諸首曰古者王朝列國之史皆謂之志晉張暉曰周志有之周官小史外史掌邦國四方之志若若鄭書晉乘楚檮杌魯春秋是也故郡史名志從古也春秋之時亂離逸於王法孔子懼焉而不得行其志乃以魯志

而修之削繁文以章大義善惡畢見與天下後世共是非之而無一毫作好惡於其間此皇極之教也故曰吾志在春秋後之操春秋者既非其時而重以已意抑揚予奪其間書法寢嚴然而不得孔子之心矣遷固而下務博記而不主立教其是非謬於聖人無議焉矧今王道四遠郡志之修也成二侯之志焉耳又安敢僭有所擬哉且其體與編年紀事之書亦異矣是故仰稽俊察先象而後辭則原諸易山川貢賦係列而紀張則殺諸禹貢諛俗歌詠變正怨刺博識鳥獸昆蟲草木之名則傲諸風雅官府部歸原隔賦滄序術壇壇道路廬館比隣夫家兵旅伍兩儀文器度別經而陳數則本諸周官儀禮官職人物表傳序尚

采諸漢紀者夫謹天變明王章重民事錄事直書而不以已與焉則誦法孔子亦竊取義於春秋矣是故經之以三極緯之以五經而志始備抑亦可以弗畔矣夫雖然天地設位而成能贊化於其中者人也故曰人者天地之心今夫上應諸侯即位三山川社稷之祭者非郡守縣令乎是民之師帥也鍾山川之靈出則應輔弼台斗處則應少微客星者非學士大夫乎是民之望也守令能明政教以移風易俗則可以唐虞其民士大夫能敦道藝以薰陶鄉閭則可以鄒魯其國是二者交有責焉故凡命吏之議食於士秀民之贊興於朝者志皆表之矣其良者則皆傳之其功德尤著者則皆祀之民之報禮屬望重矣況有若

公身春秋之義象山得孔孟之心其風烈精神所以立備開來者至今煥若日星赫若風霆後之聞其風隨其闕而不興者不亦自後於凡民乎夫為天地立心與日月合明而人道始盡非修諸心外也仰止高山會歸皇極非吾徒與後賢所當交修以光斯志者哉是役也別駕鹿公魯節推曹公均臨川令徐公鼎實協相之而金谿令劉公灼樂安令郭君滿宜黃令陳君堉東鄉令蔡君結咸與有力焉書成而晉江黃公鏞新拜守撫之命郡倅李公珉迨至法得並書其前志所修歲月名氏則舊序存焉嘉靖甲寅季春月朔郡人陳九川序

志史之流也自漢以來為史者大抵多欲得通才之選
其能倫之識抱負其有不得白表見於時而其精矣於
此以故其辭環瑋深悲憤嘔頓如荆卿高漸離擊筑於
市行歌互答嬉笑怒罵淋漓頓倒而人莫之識也此豈有
意於人之贊毀而漸以覺夫世俗之耳目者哉其後衰
然不能連據事類網羅昔國隨其淺深高下者之以傳信
於後世又其後則靡靡難親矣嗟乎史可易言哉良甫發
下於古人之才之識無能為役而廢逐以來方與二三子
弟講學鄉社習為科舉偶儷之作雖野蕪羅繩墨列尺寸
不敢逾越暇則頗為放焉妄意古人浴沂詠歸風致或可
尋見每讀史書觀其瑣瑣雄深悲憤嘔頓之辭知其決不

可為旋即屏去所以自維至熱而郡大夫過聽編以編摩
郡志闕命縮悞悞不敢承然而不能終辭者有三郡有荀
伯子臨川記與清照志雖不可攷見而家太守坤翁所為
景定志首末經圖具在上下千數百年文獻開卷了了無
採摭綴輯之難一也郡大夫暇江公而下若野橋君華峰
君晴岡君履齋君以及六邑之長率協恭展采敦崇教事
意氣勤懇懇可謂一時之盛厚意不可虛辱二也明水
先生鄉之先輩長者講於古人之學其好惡端其去取嚴
而相之者又皆南宮之雋膠庠之選固可以無勞而蒙成
三也昔昌黎子之記滕王閣也謂詞列三王之次有榮耀
焉良傳之託於斯文也所謂榮耀者非耶故不捨句為之

厚且以志吾槐陽諸請甲寅春三月少旬山人徐長符了
郡甫撰得修臨陽人許大經教授王鈺教諭白帶揚誠
明學顧志前序 蔡邦俊

古韻何為已各有釋名以山川或以風謠或以增應或
以物類或以事類或以郡古城臨川從臨水也揚陷平陳
始更名揚揚揚揚揚取諸安撫然亦僅一見焉是以初
稍後之詞曾氏擬揚州記而始知其義固深遠而不可
棄廢乎夫然治強用威治弱用惠而至於強而弱弱而
假強則又不得小權於威惠之間以安之與時推為道同
然矣而委亦敵者君之悍者馴之偏者救之流滄然與為
利壽休養焉耳如所謂因循苟且以姑息之也哉臥龍
於蜀獨孤於秦施決而用當故雖嚴不怨也使果如曾氏
所言貴賈不至耕桑自足牛馬牧山而不收五穀積野而
不堪此則上古義皇不啻與安其居與美其食足矣猶俟
斤斤然駕之韁扼之控乎且以吾所見所聞曾氏之虛言
之也則國文章政事表表於時而慨然以明經義道為任
故紫陽之闢眾議推尊之三陸楚興草處蹕起宋詩書而
人言史固曰習習俗矣哇嗣先生又復以剽悍善訟俗與
書天則何說也嗚呼亦無之者有清駁耳人有今昔哉果
剽悍為惡小醜當不難赴赴禦之而胡撥牛調馬揮鋸
操之者尚本之一見也夫不以剽悍者用之於同仇同心
而用之於舞文構訐此豈非強而似弱弱而似強者耶此

撫州府志 卷首 原序 三五

撫之所以宜巫也與是故徵諸已往驗之後來觀夫祿祥
雲物之變而五辰可撫觀夫井里溝洫之分而疆理可撫
觀夫戶口里樹都鄙錯壤而可撫之以桑麻觀夫藝文續
紛珠璣鼻落而可撫之以文章觀夫忠臣孝子之詠歌名
賢宿儒之訓說而可撫之以道德水之冽也為井水之文
也為渙而其激也為吞天為浴日與順則安與逆則危安
危之幾可不審乎且夫王謝魯公古之名流而今官師所
取尊也及攷傳載非有殊尤絕蹟而僅留一墨池庠碑使
千載後彷彿其濬致於荒煙叢林之外則當日所以休養
之利導之者固自有其道矣易曰其要無咎其用柔中撫
而安之之謂也間閩之好惡風俗之旺衰政事之理亂文

撫州府志 卷首 源序 三

獻之新舊皆於志乎驗之是惡可無辨余今春守是邦見
志缺者將百年付煨燼者復二十年也即蕭修其於黼臣
薛君無何以內召行因與龍田黃君玉林程君泰初張君
守初李君手自校閱以相質證舊者未敢逸新者尙有闕
也捐鏤以成之為史為志總非余任亦畧使後之守撫者
猶知存撫之義焉耳崇禎壬申重陽日溫陵蔡邦俊題
又序 易應昌 人

古者外史氏以掌四方之志其輜軒而上則史也郡邑藏
之則志也肇有撫州以來其前籍不得而詳未景定間家
大夫坤翁權輿以傳今讀其弁言頗有感於樂公晏公心
足緯天地四方而闕焉邱聚之業從事可見矣先是宏

治庚申始一修歷嘉靖癸丑再修閱今不茸者垂八十年
辛酉燬於火全籍亡者十餘年歲壬申溫陵蔡豈凡先生
以司農尚書郎奉守是邦月未替慨然以興復郡乘為任
郡士大夫父老子弟手額誦曰先生網羅遺佚以續前史
則百年之功文舉於全燼之餘則千億世功也既竣事問
言於昌昌固陋無能言則請從三四十一年間郡中興廢數
大政暨其先後事情風尚稍須解蘇抑急須砥柱者以備
輜軒之採擇可乎天下郡邑更樓率設廳事前之第一門
獨吾郡更樓距郡門迤東數十武跨大道橫亘南北其屋
不可上下尺寸其扁曰豫東雄鎮中天傑峙千載壯觀萬
歷丙辰災太守陸鏡泓即古基量時建亭規制儉前之半

撫州府志 卷首 原序 三

辛酉再祀始盡弛其舊更迤東百武即古承春閣置今更
樓時至議者司理黃君若鏡云萬魁塔之興其議創於吳
觀祭文臺朱中丞如容兼用堪輿家言以周星氣而聳文
峯其間計徒庸慮材用涉寒暑終始則吳龍游朝穆實躬
勞動而金堤之庀力亦復稱是汪湖之初決拳石可塞向
狃不為意越二三年議者謂須築巨石折其衝時諱不勝
乃以三百金權宜從事果不效今酒沼殆不可為或曰此
當付麻姑方澤滄桑之論爾瑤琨織貝隸在揚首匪撫焉
印角弓符矢節草蒿雜物多脆弱運入都下待發趁氣原
風高輒朽折脫落不中用議者慮議折色輪部轉發精堅
地辦應當事者鄭重報可夫厥勸金錢千百數盤腳鋪墊

尋引等百以奉故常無亦異時必須變計者乎乃昔者
臨也而代他郡邑一再受飛龍之喻陸湖中因仍如昨
誰非赤子經制遂不可問歟地非有山泉陸海之饒終鮮
鉅賞以走望四方生殺之外虜長物獨有各法於儉服高
曾道矩以編其世乃以予一日所聞其時之麗五倍無勝
之奇五倍無差之缺六七倍所在借名茶館實是酒樓魁
梁之徒庸亥之兒狎蹴流連甚者衣冠禮疏忽陵五白低
迷曉夜中人之產數局可洗曠浪為雅館謂為萬一閃而
聚凌踐嘗世斯大夫君子心世道者之慶夢寐已若夫天
地人之鴻紀古今之名蹟前人備之外史又知詳焉聞
明文昌之庭當征王主影中見人間又有直黎山然水

撫州府志

卷首

序

三十九

漢雲章霧敷於其下墨池朱井重霏瓊瑤之光三市五峯
再發縑綉之彩王荆國之疑城一破諸先哲之道貌重開
道德勳名標前以代後文章節義繪往以開來千歲此功
其在茲乎則豈凡先生簿書郵置之餘慨乎其難徹黃
之錫也昌不佞無所贅游夏一辭矣崇禎壬申秋九月柳
人易應昌序

崇禎志前序

陳際泰

郡之有志也從來久矣其中所載山川土田物產形勝風
俗錢穀書籍寺觀古蹟與夫官方人物流寓諸賢為一郡
之所有而不能無者畢具蓋與國史準焉國史所書關於
天下之故府志所書亦關於一郡之故其歸趣一也史不

勝昔而以郡志存之是故表裏以為功矣然久不能無修
顧其中有變有增土田物產等分居乎變之類也官方人
物等分居乎增之類也昔禹貢載兗州柔土既奠今乃移
而之越冀州賦上上錯今乃移而之於吳越之間或昔無
而今有或昔有而今無事之所變必有其變之端昔年之
變存於數歲猶之百年之變在於一日也土物之所亡而
上猶按故蹟謀之思不止於失物理之分而已此其宜修
者一也今積而成古世以三十年為斷又以國地之開補
移千里或千里而遠與二千里而遠時久遠博實生奇蹟
凡忠臣孝子貞夫節婦與夫文人學士不無發其間而
更於其與高於是首以志目之數也其賢者亦各行而有
撫州府志

撫州府志

卷首

序

三十

使載紀混玷闕而不開雖人民以眾多為侈猶之賈地而
已假令曲阜之志潁川之志南陽之志當尼父未生黃霸
未任孔明未寓之先百年不治雖有人物長吏流萬之聖
與賢孰從知之物必有增此志宜修者二也顧志其修而
難乎其修其說有四一曰品卑而志不立一曰事繁而日
不暇一曰意私而物不服一曰才劣而文不飾郡志以節
守為統徵事之有一也顧為守者志各有所急而急不在
地方苟且歲月及瓜而已此其志不立者由品卑也上之
所以責守者各有條簿書明會之執掌者一埠相遺懸
屬於更推被而起其勤如是而事卒以不治何也論繩墨
之外修文雅之業乎此為日不暇矣錄事歲也然有志而

無事猶然不克修者則又所謂志私而才劣也夫進退乎人而死者不服生者不服不從人起也進退乎人而不當不服當亦不服者又不從今日之事起也物之所以不服者有由然也三國之多人而魏國之多士也未易相踰也然正始中議園邱郎官及司徒領吏萬人而應書與議者畧無幾人又是時朝堂公卿以上四百餘人其能操筆者未有十人蓋學業沈頽乃至於此夫識足檢亂詞足見極斯為難耳動不及而心過之則欲其操觚也難故文之所患不飾者有由然也撫州之志未修者若干年而郡未嘗無守人之以修志望諸守者未嘗無請能變者任其變若未嘗變增者任其增若未嘗增則所謂前之四思未除也

撫州府志

卷首

原序

三十一

豈凡蔡公之泄吾昭武也治大成於是郡志修焉而又未嘗一假手與夫稽時日也夫山川等分之無所變者易為功也人物官方等分之無所增者易為功也即變之之數視增之之數亦易為功也夫無天子與宰相之權又無史官之責顧取夫未嘗一進未嘗一退之人而進之退之苟一與之以私則天下之責四面至矣公無天子宰相之權與史官之責而取未嘗一進未嘗一退之人進之退之顯褒者無媿而微刺者歸當何也則惟其心之無私故也且夫一事而合任之則私議絕一事而分任之則重務舉公顧翻然反之日坐黃堂治事如故才閉閣三日而各傳贊俱成其事甚怪而要非可以常情測度也公天資樂易人

驟按之無不見其有餘之氣則夫物服而文飾曰得之一條云耳天下誠得如公者為之造事開端其感人心之效或亦不可勝道者哉

又序

蔡邦俊

問志何志乎曰志文獻也問文獻何在乎孔子以魯之人志魯之事故春秋詞核也則曷不以推之文志以無之志志方乎曰志非余意也余守茲土即聞志公為祖龍持去雖極復之亦讓未遑耳已而觀風者皆持節而往來者皆入境而問籍焉無以應也停日久之始得其舊本一部而按尋者已告窮矣責誰辭乎其與條友商之亦謂可仍舊章而止而不知前志之修至庚子九十有餘載

撫州府志

卷首

原序

三十二

也夫天道人事十季一變况以百計乎詳而詢之遠而集之而義士車姓者則不憚竭其剗剔之力以佐之余給以餘不受余於是而知理義之可以觸發乎人心也余為文之無徵焉而志余為獻之無徵焉而志夫彼何為者耶以無所為為者猶能慷慨以和余於篇章之間而余據拾之力則烏容緩故不憚出其固陋以殫精於傳述計其時日之成亦幾幾於載之三自縉紳先生以至老宿長者概未之能証焉則猶是仍舊章止者也故曰非余意也然而文焉獻焉百季之內亦竊臚列之矣車士名以信幸友篤行而督其子輅以學嘗使從賢豪遊道學之邦人各慕義信然書之亦附春秋不隱人善之旨乎外史蔡邦俊書後

撫州府志纂修姓氏

總修

升任撫州府知府許應鏞 廣東番禺人

前署撫州府知府陳增 江蘇陽湖人

撫州府知府朱澄瀾 浙江秀水人

分修

前署撫州府糧捕通判候補同知鄧掄芳 廣東歸善人

升任臨川縣知縣童範儼 湖北黃岡人

前署臨川縣知縣楊逢新 河南商城人

前署金谿縣知縣程芳 河南祥符人

原任金谿縣知縣張國瑞 四川崇寧人

撫州府志纂修姓氏

前署金谿縣知縣胡慎行 安徽桐城人

金谿縣知縣周福清 浙江會稽人

前任崇仁縣知縣盛銓 安徽全椒人

前署崇仁縣知縣侯長齡 山西澤源州人

前署崇仁縣知縣俞致中 順天宛平人

前署崇仁縣知縣候補直隸州知州張文泗 廣東番禺人

署崇仁縣知縣王汝霖 浙江錢塘人

宜黃縣知縣張興言 浙江歸安人

樂安縣知縣朱奎章 貴州遵義人

前署東鄉縣知縣王維新 安徽太湖人

東鄉縣知縣楊松光 山西晉中人

撫州府經 歷林繼登 浙江蕭山人

臨川縣 丞田志詒 浙江山陰人

前任撫州府學教授 授誌厚恩 嘉善人

撫州府學訓導李煥閔 南昌人

總纂

原任湖南督糧道謝煌 丁未進士宜黃人

分纂

前任湖北竹山縣知縣徐泰鈞 丁未進士金谿人

前任陝西郿陽縣知縣李士衡 臨川人

保舉知縣前會昌縣學訓導陳慶齡 臨川人

官學教習前江都縣知縣甘啟祥 丹徒人

撫州府志纂修姓氏

舉人 候選知縣黃祥麟 壬戌恩科前 補授年宜黃人

舉人 候選知縣胡業恆 己酉科東鄉人

拔貢生 候選直隸州州判蕭琳 辛酉科樂安人

恩貢生 候選直隸州州判張漸鴻 癸酉科臨川人

參訂兼監刊

兼襲雲騎尉世職分江補用巡檢沈春第 浙江烏程人

校對

兩淮試用鹽知事姚禮源 浙江錢塘人

候選縣丞許景曾 浙江嘉興人

生 員徐震鈴 金谿人

生 員吳雙堯 金谿人


撫州府疆域圖

撫州府疆域圖




撫州府 21

景定州志圖



崇禎府志圖



docsriver 文川网
入驻商家 古籍书城

在文川网搜索古籍书城 获取更多电子书

圖 全 治 府 州 撫






圖 全 署 府 州 撫



府署金柅園圖



臨川縣境之圖

